

摘藻堂四庫全書薈要

集部

欽定四庫全書薈要卷一萬三千三百七十五

集部

御製詩二集卷四十八

古今體一百二十首

甲戌四

孟夏時享

太廟述事

首夏修時享躬親

祀事將本仁思聲歆觀德想衣裳樂律含清徵南訛屆  
正陽若憑欽

降嘏繼序勵其皇

常雩齋居

旬餘逢八齋

自三月二十三日因祭農齋戒至是十二日凡八齋

先端居得靜便

靜便心應適而轉愁緒繁緒繁云緣何望澤意殷然往來郭門外非不麥芊芊及時施甘膏乃可期餅餽絮雲亦屢作率被狂風牽齋無不用敬

明裡况祈年望柱占礎潤遑問春闌珊

題王詵漁村小雪圖用蘇軾烟江疊嶂詩韻

烟江疊嶂及瀛山存亡滅沒隨雲烟

二圖皆王晉卿所作見董其昌畫譜

漁村小雪最後出曹碑晚見突漢然

見宋聲識語

著粉古法

為積雪破墨奇構飛流泉間柯林樹棲危嶂案行沙石

開平川川橫樹稀蘆葦接蝸廬蠅舍洲嶼前舉罾下網

作活計病腓那避嚴寒天摩詰雪溪千古獨津逮難辨

誰姪妍已覺冷風拂玉浦又如濕氣生銀田瘦金真蹟

識贖首屈指閱世五百年不矜細行終累德絕藝胡乃

神而媚惜哉髯翁未見此有如佳境對以眠江上愁心

屢賡和金聲擲地飄乎仙否則不說是真說使我欲問  
嗟無緣展圖呌絕和艱韻誰謂長公缺此篇

常雩恭祭

南郊禮成敬述

祇祓晨興早倌人夙展軫齋鐘鳴傍曙鄉燭燦於星龍見脩  
裡祀璧陳希

佑聽東郊正需澤顙仰需時靈

率題

謂風有知乎胡雲興而即毆謂風無知乎胡雲興而必  
毆無知而毆伊誰之愚有知而毆伊誰之辜愚不彼推  
辜不我謀念彼麥田蒿目以嘻

自警

悅而不繹非真悅從而不改豈實從芻蕘下詢適言察  
用中執兩慎登庸

即事遣悶

夜晴圖睡待生雲曉問仍晴風轉聞跣踏何方致時雨

徊徨惟是慙

去聲

為君

仲春望澤已無聊  
春去夏來澤尚遙  
彼際謂猶少待者  
汝云何以待今朝

閏歲雖云節令遲  
便遲已即暮春時  
農諺麥收三月雨  
明當立夏更何辭

遣悶應知悶遣難  
幕調無術自奚寬  
臣鄰識我憂勤意  
修省無煩誠在官

蜥蜴商羊卜已勞  
麥期滋迫望滋忉  
絮雲傍曙西山吐

目注心期大需膏

聞江南米價平詩以誌事

淮揚秋災重澤鴻時厯慮亟力事燒草乃得涸沮如興化  
及鹽城頗有春耕處加賑不啻再猶恐或遺誤邇來大轉  
旋徧野青秧佈恃此民心安鄉里不輕去又聞市頭米其  
價乃如故此事豈無繇凡百謀貴預去歲災方形倡言採  
買數聞之亟止之民趨利如鶩踊貴有必致况復吏役蠹  
大率官收五民將倍十措不如聽其便濟之截漕屢伊余



金  
卷四十八  
籌之深可以淺言論今有人於此愛其幼子孺其子日食三無  
喜亦無惡與二藏其一曰防汝飢哺其子必不欲反以調飢訴  
耕餘有成言古孰與今庶寄語牧民人禮經未易註

詰

黑龍潭祈雨六韻

經春已虛擲入夏更何堪罪已申誠懇求  
神禮寶潭載催驄得得惜視麥含含步禱丹梯迴心希  
靈雨覃遠慙六事責迫望一犁甘歲歲千

明佑奚辭瀆再三

即事

山左河南信並傳均霑膏雨潤公田  
慰餘不減望霖苦  
因識人情為目前

喜雨

四月十八日

入夕濃雲合翹瞻立玉墀  
謔疑勢未定欣畏狀難為  
敬枕聽疎密高田度早遲  
無眠五更徹有喜萬民知  
無憂安得喜喜未抵憂焦  
藉曰愁堪放應知志便驕  
祈

年繼終始惕息勵明宵况是三時遠惟欽六幕調

王蒙花溪漁隱即用其韻

桃花開矣夾溪頭便有繽紛亂錦流詎是思蓴辭帝里  
要因避世見漁舟傳神生面別彭澤託志孤踪概許由

我亦禦兒攬烟水

蒙詩有禦兒西  
畔雲溪頭之句

梯波惟見起飛鷗

詠玉韞

嘉哉延喜質刻以辟邪形力引烏號角飛催赤羽翎心  
平斯體正武緯亦文經金礪旃磨鏡相資視此銘

首夏討源書屋

好雨初霑蘇麥芒問

安取便到書堂疇咨卿貳皆稱喜我意前茲憂未忘

林扉如沐綠陰深書屋根源試討尋修已治

平聲

人均未

逮薰風披拂緬

虞琴

雨餘風勢又徐加土潤虞傷嫩發芽展轉自憐還自笑  
年來期望太求奢

詣

黑龍潭謝雨

策騎度蘭衢新晴露氣濡二年起槁徧五日改觀殊誠  
格夫何有

神庥信不無亟祈亟稱謝滋愧未遑娛

首夏遊大覺寺

靈潭致謝有餘閒乘興因之攬碧山崎徑遵西青菴目  
招提遙見闢雲關

山蹊廿里淨無塵高壤卑塍綠意勻蹕騎誰何莫須亟  
新晴喜看趁耕人

綠林如滴翠峰鮮白足饒他安六禪淨室詩成便歸去  
小俄延處動經年

過城子山

紺宇臨無地青城自有山洞天知第幾羣岳謁其間真  
木琳雲合丹梯玉闕環容城今世鮮未足敬元關

即事

次第封章達禁廷  
雨時都報麥迴青  
秋遙漫說豐堪望  
憂久還憐意未寧  
水面藻齊魚跳子  
松陰莎嫩鶴梳翎  
晚來雲氣西山吐  
重喜淙潺入夜聽

王蒙石壁飛流

荷葉皺山荷製裳  
漁舟著在水雲鄉  
次山五首形容裏  
靜對方知意趣長

戲題牡丹

雨足看花冒絮遊  
鼠姑聞道最風流  
美人恰似初經顧

開掃新粧早白頭

昆明湖上

雨後明湖偶一過薰馨風物向清和祇緣望澤遊偏懶  
不覺辭春日已多潑刺銀漪擢魚戟間闕綠蔭擲鶯梭  
寸心暫慰還虞放佳處流連理則那

水周堂

疎軒駕北壑文席擬虛舟奇攬烟波態清供耳目謀嵐  
光罨牕遠瀾彩漾檐浮澄湛清華賞心期託達周



石丈亭

嶽立真堪稱丈人  
莓苔烟雨漬龍鱗  
元章磬折何妨癖  
奚事當年白簡陳

泛舟至玉泉山

一水通源溯碧川  
菜花欲敗柳吹棉  
北方候冷兼逢閏  
四月秧鉞未刺田

入畫偏欣耕織圖  
鳴機聲裏過飛鱸  
醉魚逐侶翻銀浪  
野鷺迷羣佇綠蒲

山翠迎船自近人  
庾開府一例清新  
若非好雨迴青壠  
我亦何心撰勝辰

玉泉山首夏

維舸欵巖扉  
珠宮冠翠微  
葉齊山徑瘦  
絮重水波肥  
帶藻魚兒躍  
銜花燕子飛  
峽音中琴理  
惟愧五絃揮  
雨後乘新潤  
農人出種多  
釋茲無樂我  
劬彼最憐他  
俯暢波圖鏡  
遐晞峰濯螺  
候長芳未歇  
阜物協南訛

華滋館

蘭徑引意入松雲概神留生翠潤新雨古籟涼永秋翰  
墨味淳腴簡帙懷前脩得性在內契悅心匪外求九仙  
道固高縹緲隔瀛洲

分鑑曲

一水分雙鑑長隄入渚烟月波如可掬擲向定依然

心遠閣

修已戒放心要在腔子裏治人勵仁心貴不遺遐邇况  
乎太山高蔽之惟一指心寧不欲遠所務中其理即境

摘銘言詎為山閣美

寄暢軒

華嚴洞邊方丈居下臨千仞一牕虛澗葉綠鎖不遮目  
巖葩芳重如襲裾濃陰藹藹復釀雨澤壤處處方興鋤  
問予寄暢如何暢往往後樂先憂餘

創得齋

新齋斷手綠溪邊水態山容結攬全理趣無窮神境迴  
江毫供奉待搜研

呂祖洞

紅塵稱進士紫府注仙真  
示異常留蹟徵靈每濟人  
烟霞九天近芝朮四時新  
奠簡星飛昂依稀謁玉宸

玉河泛舟歸萬壽山

歸舟泛玉河背指玉山螺  
搜景未良久得詩亦已多  
蓬延斜岸綠帆趁順流  
波勝處日方午餘閒一再過

清可軒

奇峰一屋翠如流詩態當前引  
靜搜却訝巖房非姓戴

山陰何事每停舟

軒在萬壽山北故云

晚陰

晚陰引我希霖意  
好雨霑來未一旬  
膏澤豈辭多益善  
因思知足定何人

王紱溪山漁隱圖

松風低度玉參差  
澹蕩蘆洲月上時  
却笑會稽夏仲御  
忽傳小海唱來奇

擬蘇軾偃松法并誌以詩即用題蘇畫韻

偃松寫自元祐載春秋八百滄桑改撫松意乃思其人  
松則傳焉人亦在似乎否乎我不知興來還疊瀛仙詩  
舊作乃用張照韻  
照有瀛海仙班章  
底須婁舉黃與倪試聽古籟千年吹

雨  
四月二十八日

晚雲勢重步檐巡佇看空羅織萬綸已報甘膏過三寸  
恰欣時節逮盈旬無風點滴夜潛入潤葉霏微枝漸津  
喜獲不期慰望外因心惟有倍生寅

鑑遠堂

宿雨初收泮曉烟虛堂鑑遠凭冰筵占將碧落千秋月  
借得瀟湘九夏天夾岼垂楊轉黃鳥傍隄密葦隱蒼鳶  
長河廿里新波漲耐可中流一放船

長河放舟進宮之作

三歲掄魁典具陳朝來清蹕返楓宸長河廿里輕舟進  
蓄眼清和霽色新

欲澈湍流漲影增天光烟態漾空澄鳳凰墩畔鳴榔過  
妙繪分明落剡藤



西山螺翠綠波涵聚散雲容天蔚藍汀芷隄楊風澹蕩  
詩情端不讓江南

稻畦麥壠綠芊芊踏水車聲別一川最喜迎眸皆潤意  
灑珠絲又羃蘭船

樂善園

別業臨芳岸消閒泊綠舟雨餘林翠重風暖鳥音稠齋  
柳珠光綴階花麝氣浮陳王留故蹟題壁合應劉

太液雨泛

玉螭橋邊候綵舟橫流適可命黃頭新蒲弱柳烟絲罥  
妙與方壺繪幻浮

菜花結子麥抽芒暢好烟畦潤露光誰識九天城闕裏  
許多農景貌江鄉

迎眸北島復南臺面面珠簾未捲開今日清遊餘興在  
波光潏灩待晴來

閏月篇

清和餘氣麗正陽朱門闔左臨明堂璿璣斡運不失常

孰稱惟是駐年光在御琴瑟仍清徵不齊之齊大備理  
迴環七十二候推節章晦朔從頭起白首老翁笑婆婆  
今歲幸得一月多達莊齊物汝知麼賦茅者即羲與和  
題董邦達畫

疎竹欹樛古木樛倚巖曲榭碧波周端居頽弁一高士  
興寄風行及水流

題張宗蒼畫

活脫王蒙荷葉皺懸空迸水石磷磷布帆無恙秋風掛

可是名山愛剡人

御殿傳臚日作

臚唱三聲曉日曛編鐘清瑟協薰風希占五色雲朝見  
早慰一犁雨昨濛替化羣陳萬言策勅幾自闕四門聰  
祇憐退鷁垂雙翅空望神仙注榜中

瓊島攬景

雨後宜登眺林嵐觸目清陰寧春勝夏島匪石惟瓊放  
子魚穿藻賀羣燕掠楹麥秋今可望茂對一怡情

閱古樓

新題閱古署延樓每與前賢共倡酬  
一晌徘徊神別契  
士衡賦識卓千秋

畝鑑室

古井方深浚天池訝迴成連漪半畝澈風月四時清  
藻蘋魚躍新林黃鳥鳴寧惟斯用汲即事凜王明

太液泛舟

宿雨初收曉露溥微風水面送輕寒  
新荷纔點田田葉

激石微添細細湍團殿平臨紫虛表趯臺南指綠雲端  
泊舟底識添遊興岸柳烟絲潤未乾

補桐書屋

假山疊磴窈而深四壁琴書翰墨林俯仰箇中猶故我  
補來桐樹已成陰

千尺雪

借問真佳處端惟心暢時瀑聲新雨壯夏日小年遲茗  
椀原堪淪縑圖偶慢披神遊三即一

千尺雪昉於吳中西苑田盤熱河皆

有之各為之圖四圖合貯一函分藏  
其所每至一處展圖即得其三故云  
區別亦奚為

題錢選雞冠圖

絳幘層羅綠葉稠盈盈似泛露華流  
夜深驀向燈前展  
還訝雞人報曉籌

詠漢玉韞

未煩磨琢中規輪  
鼉采雲霞襞滿身在擘有緣逢巨擘  
却珍無意得殊珍  
每因廉澤思觀德詎止鉤聞詡絕倫  
比似珮環常不離  
恒看攸手較來親

西直門外

秋麥芄芄春麥萋短長略異吐芒齊那忘待澤方殷也  
且喜懷新亦迅兮晚露尚灑青隴外輕雲又起碧山西  
邇來纔覺心源潤腹橐行行著處題

聞河間景州望雨即事書懷

連朝膏雨利耕鋤遠府稀霑為望頻畢竟憂多欣慰少  
即吾可以例他人

趙孟頫夏木垂陰圖



或坐談元或理綸盤中總是倦遊人重陰綠樹堪消夏  
活脫王維句裏神

賦得樵夫笑士

得流字八韻  
散館試題

樵斧碧山侶心希王道修士如默以處彼得笑而尤齒  
齟奚妨梁舌藏寧不羞行歌無降志寢厝有深謀詎讓  
江湖客獨懷廊廟憂蟬寒信何謂莢獻可同不束未曾  
因濕負常戒反裘莞然定誰氏或是買臣流

御園雨泛

閏四月  
初八日

曉陰微雨雨還晴却引中心慰望生過午密雲旋大霈  
烟波耐可暢予情

疾徐嘉靈正迎梅暗數前番十日纔銀竹森森洲渚渺  
瀟湘畫幰面前開

靈零入土實稱甘結穗方欣二麥含此地佳哉晴亦可  
一時懸念到畿南

摹唐寅事茗圖即用其韻

記得惠山精舍裏竹鑪淪茗綠杯持解元文筆閒相仿

消渴何勞玉虎絲

曉

砌苔蚓出泉庭樹雀弄響露氣既涵  
叵溪烟正蒼莽大哉造化功轉旋易  
反掌寧即忘憂愁已殊觀氣象志  
塵三時遙心周九寓廣畿南况密  
邇尺澤羣資仰密雲如解作冀被  
無偏黨

飼魚

銀塘雨後鏡光鮮投飼閒憑畫檻前  
潛藻誰云善深隱

浮波妬餌看紛然

題趙雍山鷓棠梨

逐逐山禽態逼真一枝借得正芳辰  
黃蜂欲捕涎先墮忽忘花陰挾彈人

細雨

如絲細雨織空稠實穎欣知麥有秋  
喜近寧能獨忘遠一時懸念到瀛洲

周臣羊裘垂釣圖

解札澤中居垂釣意匪魚五羊自鬻者清濁定何如

讀齊語

小白反於齊鮑叔進夷吾中鈞懷舊恨宥用猶是夫譎  
辭請諸魯施伯何妨乎一如鮑叔料施伯果進謀殺而  
授之屍炙輶安用諸使者復致辭欲生得戮屠乃使東  
縛予將以返歸途比至齊國境三浴三襲塗施伯謀誠  
高再請情見初胡乃生子之終為魯國憂叶齊使又奚  
誰智如鮑叔徒倉卒為詭談生還敬仲俱戰國尚機變

紀載強半誣善哉子輿言盡信不如無

直隸總督方觀承奏報河間一帶得雨因成口號  
畿南今日喜音來好雨均霑鬱抱開奏牘頻繙難下筆  
恐防從此諱言災

題文徵明茂松清泉圖

橫琴不鼓有餘情聽取潺湲絃外聲茂樹嘉陰默相對  
肯談俗事擬班荆

泛月有作

閨過清和暄且妍乘涼液沼泛蘭船璿璣暗定周天度  
玉魄明饒一月圓水榭山亭原恰當宣毫江硯又依然  
亦當及節憑烟景今歲清光塞外便今年巡幸吉林烏  
喇先駐熱河諏於  
夏至後啟蹕當至  
冬月回鑾故云

賦得牕中列遠岫

得同字八韻  
選館試題

向遠千林表來青一牕中非闕隔紗綠不藉照燈紅橫  
嶂還含秀遙峰若接空形容堪意入呼吸與神通手豈  
煩王宰肩如拍葛洪雲端常縹緲天外尚穹窿石澗垂

簾水松巖謾竅風謝公將白傳吟望恐難同

沈周郭索圖

應月期無紊稱星度不差黃泉雖後蚓渤海却降蛇

熱

閏四月  
十七日

清和未改候驟覺暑風吹入夜占雲合連朝待雨滋田  
功縱無礙節令恐非宜屈指一年內寬心得幾時

新蟬

綠陰未老試聲時  
嘒嘒猶慳疾復遲  
細擬爭先傳響意



幾曾清實畏人知

題徐賁聽泉圖即用其韻

幼文詩畫稱雙絕真蹟居然見聽泉石瀨月娟杜工部  
香鑪日照李青蓮滔滔流水自終古落落長松是大年  
想見山川得神助九龍深處抱雲眠

賁又有眠雲軒  
圖并藏內府

雨

閏四月  
二十日

劇熱剛增盼雨意宵來簷注落前楹及私惟願周千里  
不寐何妨徹五更遙擬疾徐隔牕勢愛聽颯沓滴梧聲

目前農兆誠多幸此後悠哉望歲情

御園雨泛

朝烟欲泮景偏殊細霏旋零優且濡  
旰食纔教紓望切午閒略可適清娛  
輕浮彩鷁行還止密織空羅有若無  
恰似輞川圖畫裏一篙衝雨泛歌湖

題劉松年中興四將圖

會稽棲後小康稱嘗膽無心事中興  
萬里長城誰自壞一江天塹竟奚憑  
操戈致恨同而異折鼎終緣負且乘

千載雲溪傳面貌雲臺合並凜威稜

玉河進舟至玉泉山作

一雨昆明水漲波夾川農事閱如何雲黃偏碩高牟穗  
毯綠纔分嫩稻科

溪村伊軋響繰車閒却鉤筐笑語譁聞道南方春雨冷  
恐遲蠶事憶杭嘉

溯洄因至水源頭別館芳菲足憩留今日香山駐清蹕  
翠峰早喜近迎眸

前朝亦詣靈泉禱祈雨無言謝雨言此後三時正悠久  
慰心姑置懼心存

首夏靜宜園駐蹕

緹騎宣傳避綠苗乘閒巖館靖喧囂風前嘉樹流仙籟  
雨後橫屏展翠瑤即事山居良有異會心佳處不關遙  
摘毫又得今來句地迥因之意亦超

心期常與靜為因却笑非能常靜人暫遣餘閒來首夏  
久拋絕勝閱三春山禽隱樹能調舌野蝶穿花不帶塵

分付嵐光應好在駕言避暑待時巡

臯塗精舍

一雨滌炎壑山川乃許佳綠槐剛蔭戶紅藥已翻階好  
景皆宜賦良農信慰懷於茲散充屈暫與靜音諧

靜室

得要居高颯風烟嵐變態一牕中偷閒大略觀如是  
萬狀千奇豈易窮

題元人達摩像

碧眼虬髯紫趺色即空忽思遊少室石影得毋同

即事

豫中已報秋登麥山右新稱雨潤禾自是籌農心為慰  
益謙損滿惕猶多

題漢王盃

逢占詎待少君知曰白應思涅不緇枯間之間自伯仲  
碣砮以下那追隨腹空漫設遊辭銷色澤還看英氣  
慨想茂陵終復出達觀擬事鄭上聲人推

賦得紅藥當階翻

得書字八韻  
試中書題

壁畫曾聞省庭槐亦有廬宛看藥已放又是夏方初穠  
質偏清態前遲得後舒鄭風真蕩矣謝句信軒如風影  
和去聲球珮日華烘粉除碧苔欣共綺穢草故應鋤了不  
知春去還宜對雨餘何人思戰勝却擬直中書

題唐寅嵩山十景

草堂

卜居擬楚畹遯跡寄嵩陽兀坐凝思者幽吟概十章

倒景臺

招邀馭風客伯仲絕塵子設非戰勝人駭目神越矣

樾館

即林構柘架艾坂足茅茨黃庭常在手彷彿傳羲之

枕烟庭

窅若枕烟庭浩然此棲遲既云忘世者屢校又奚為

雲錦淙

石激瀉珠湍色聲供靜悅我亦臨田盤創名千尺雪



期仙磴

緱山即比隣曾是吹笙處伊人會可期烟巖從此去

滌煩磯

深山大壑淥神心斯靜極借問滌煩人煩復從何得

羃翠庭

灌木積嘉陰盤中窈復深橫琴坐對客請聽絃外音

洞元室

藉草為重茵因巖作虛室內景是真丹無須煉水碧

金碧潭

結構本盧鴻藻續復伯虎太少總無言堂堂自今古

夏至日有事

方澤禮成敬述

瞳瞳曙景蒼

帝幕色惟黃祀典修周歲疇官報正陽薰風韶琯叶湛  
露玉觴瀼

鴻貺安貞永欽承敬益霽

驟雨

驟雨繼以徐入夜勢未止優霑不逾旬續霈實稱美  
潤已愜懷清聽復滿耳二麥早登秋禾黍苗皆起油  
色澤濃斯渥又堪喜明當啟行旌展輦淨塵滓柔遠  
永圖考農察近理受寵宜若驚勛人何況已

端午日恭侍

皇太后觀競渡

宿雨初收泮曉烟奉迎

慈馭侍榴筵心殷愛日承歡節景麗懸蒲揀艾天點綴  
雲峰留碧宇參差水樹罨朱船五絲延壽占  
遐算願共薰風億萬年



御製詩二集卷四十八



總校官庶吉士 臣侍 朝

校對官庶吉士 臣陳文樞

校對官編修 臣朱 攸

謄錄監生 臣趙友彬

謄錄監生 臣朱麟粹

欽定四庫全書薈要

集部

御製詩二集卷

四十九  
五十

詳校官原任編修臣徐立綱



欽定四庫全書薈要卷一萬三千三百七十六

集部

御製詩二集卷四十九

古今體九十九首

甲戌五

恭奉

皇太后

后啟蹕幸避暑山莊之作

有序

溯豐鎬發祥之地靈萃萬年憶椒薌躬薦之秋星

周一紀載瞻

祖烈祇謁



丹丘爰諏日至之上旬適度天中之令節敬扶

安輦暫駐山莊時則準噶爾部策凌策凌烏巴什等率  
衆來歸迎鑾肆覲用即卷阿之勝境錫茲湛露之  
鴻儀迨夫候屆金韃廼復時巡東國禮因事舉詩  
以日增啟蹕初程命篇伊始

追遠柔遐慶典覃天中卜吉啟行驂東巡五載茲惟倍

前以乾隆癸亥至盛  
京閱今十年餘矣

西極四夷彼剩三

準夷四部曰準  
噶爾曰都爾伯

特曰和碩特曰輝特策  
凌等則都爾伯特部也

計里方欣日正永清塵喜值雨

霑甘山莊避暑今年信

家法欽承敢即耽

雨中過清河

拂曙鳴梢過石橋  
吉驄絲雨度飄蕭  
麥登高廩先秋見  
萬頃仍看遍綠苗

漸石頗憐行路艱  
老農額手笑開顏  
因思利弊難兼顧  
我亦惟權輕重間

新月效庾信體

薰風送翔雲梅天斂纖雨既霑晴實佳霽景澄碧宇舉  
頭見新月眉痕纔一縷清光散迴霄颯影盪平楚廣寒  
惟夏宜寓色憑人取結念在山莊漾舟正三五

懷柔縣

此役示懷柔

七月自避暑山莊啟程往吉林塞外候寒  
於行邁為宜且早至旬月者實以宴賚新

歸誠之都爾伯特台吉等彼  
皆未出痘故不可令至京也

因之度古州山川繚似繡

禾黍綠如油絃誦牛刀試布韋鴻漸求前朝烽堠在何

事守徒修

途中即景

候過北至暑方行恰當風涼陰間晴滿地綠雲鋪喜色  
連塍翠浪逮秋成山頭霧氣迷離散駝項鈴聲替戾鳴  
所遇多欣欣可極每因順意凜持盈

即事

前日御園雨多多稱益善既霑此行役望晴意何限畿  
南未霑處仍兼尺澤亶因悟希求心與境為旋轉天地  
猶有憾為政那能免

晚晴

絲雨如霧霏送爽不致凜寧惟利行旅宜麥資農政密  
雲盡歸岫晚晴碧霄淨徘徊坐離宮松月清光映景佳  
意亦適點筆因屬詠

出口襍詠

詰旦鳴鞭趁曉涼白雲遠嶠復蒼茫黍禾已勃寧晴好  
自哂吾懷曷有常

塞田每看好秋成綠茂彌岡已慰情暗卜有收疑信半

大都期望忌其盈

萬峰濃濯翠芙蓉南北隄防慨想餘今日玉關為外戶  
年年巡狩奉

安輿

輕雲不雨風含爽迤邐山行那覺塵自是玉驄黃繖蓋  
却欣蔽日惠多人

巖闕背指障崔嵬塞外嵐光直北開真是不征問左富

聖人深意示招徠

沿邊諸口皆有稅惟古北口無皆康熙年間定制云

雉朝飛

通閨候遲矧塞寒仲夏雉朝飛塞山據岡雝侶輝藻翰  
氣滿不惜繡頸斷叶失者索莫得者閒揚翼決起青雲  
間楚國路人或欺為鳳賜金十倍憐其意重如是郭隗  
得亦何用

夜雨朝晴

夜雨宜農務朝晴利旅行兩全實艱致竟夕比秋清澗  
漲東西水亭開長短程山莊至指日喜氣早逢迎

灤陽別墅

陰森灌木稠別墅小延留雨過山當戶風來夏似秋依然饒靜賞不息俯澄流學海終能至因之悟進修

小金山

巖齋颯爽試棲遲灤江聲過雨時小大試將浮玉較南華齊物笑人癡

至避暑山莊日都爾伯特台吉策凌等接見

路左傾誠候屬車來歸憐遠自員渠識時稱傑惟嘉爾



敷德賓遐何有予錫爵都教加衮服賜殮還擬賦嘉魚  
一家中外歡言暢底事周官藉象胥

駐蹕避暑山莊

仁祖當年茲避暑今來避暑奉

慈親敢圖逸豫忘深慮亦為

去聲

柔懷恤遠人勝地秋臨

雖已屢好山夏景訝初新却思廿二年前事

予十二歲時侍

皇祖避暑於此  
今二十二年矣

聖日依然照此身

題王蒙秋林萬壑圖

秋絢峯姿紛紫翠書披古道益精神  
板橋策杖來過者應是相咨奇字人

對瀑

虛亭臨崎岸欲灑落湍流千澗初過雨  
四牕颯似秋花香紅錦亂樹密綠雲稠  
欣遇多殊狀新題觸興投

襍詩

時雨復時晴山田如助長塞外秋常豐  
今來悉其象百

人抗浮勞一人挈而往得要為力易勇夫出重賞祈農  
厘恒心籌遠運今想誰為無事人況我人所仰

流杯亭小宴都爾伯特親王策凌等

宛轉清流繞石渠羽觴小宴欵康居呼前手賜笑言接  
喜可身循禮法初荒略從來事杯飲傾誠那解飾虛譽  
裹蹠錦段頒中禁滿載歸教豔拂廬

宴都爾伯特親王策凌郡王策凌烏巴什等於萬

樹園詩以紀事

萬樹參天煥曙霞  
穹廬酒醴樂柔遐  
薰風五月偏含爽  
湛露三巡共拜嘉

天與人歸寧可拒  
茅分爵錫自應加  
徵招應律歡情洽  
試聽編鐘設虞牙

渠搜何必鎮天驕  
來賀傾誠不憚遙  
外廐馬為中廐獻

新賓人併舊賓邀

時四十九旗扎薩克并青海諸部王公台吉畢集行在皆令入宴 鑲

錫自可隨方俗冠服同教式本朝

策凌等入覲後即資以冠服俱從本朝之

制避暑匪今厯惠遠千秋

家法仰

仁堯

山雲

山雲易雨易為晴恰似隨人意止行暄潤利農真復慰  
越因慰後凜持盈

絕句

稚松喬柳下屈抑不得長其咎在圃師樹人因可想

山莊燈詞八首

傍晚山雲靜碧空  
芳園萬樹幕當中  
鑠錫君長新來享  
應許觀燈示大同

火樹騰輝映綠雲  
鳳簫聲應鹿鳴聞  
御園節景年年賞  
誰識山莊迴出羣

巖風入夕覺輕寒  
五月烟花快意看  
更向慢城舉首望  
鍾峯早挂玉輪團

玉蛾火葢勢飄蕭  
借助琳巒落翠標  
今歲不惟逢閏月  
都稱閏得上元宵

玉塞天寬不礙月雲莊夜靜恰宜燈法輪輝朗空王現  
膜拜殊勝碧眼僧

何必夏惟夜方短果然燈與月為緣黃沙青海胥來賀  
湛露薰風普預筵

龍膏鶴燄光明藏翠柏青楓澹蕩宵嘉客欣看千帳會  
詞臣漫調九瀛朝

倒碗吞刀百戲陳昇平歌裏踏燈輪重裊列坐歡情洽  
底用通言藉舌人

泛月

泛月宜何處山莊景最新  
夏宵含颯爽塞水漾明淪  
鶴唳孤松頂鹿尋曲澗濱  
鍾峯玉臺迴溫嶠早癡人

夜遊山月

夜遊山月當秉燭水月恒同  
山月獨踈枝密葉錯玲瓏  
橫嶺側峯互繚曲燈筵錫罷  
雲居遙輕輿緩度升崇椒  
緱山笙鶴儼若接興來擬欲  
招王喬楓烟榛露淒清甚  
湧金劍峽晶光滄廣寒底用  
駕虹橋虛無幻境寧容審



山靈有意助姮娥慶霄斂盡纖雲羅即景後賦勝前賦  
我心先獲惟東坡

題萬壑松風舊書屋

高槐書屋綠陰勻  
睫眼流光廿二春  
昔日

恩承

仁祖處今來又作抱孫人

覽性理書

常聞善問人  
譬如攻堅木  
必先其易者  
後乃及節目  
讀

書或異此窮理戒馳逐格物一以貫精粗無不燭聖道  
豈殊途知行要並最何事立門庭操戈判朱陸

遊山雜詠

赫曦方報夏颯籟頓含涼避暑真仙境遊山趁夕陽  
青雲艷赤霞背影看翻鴉生色王維畫誰鋪魚網麻  
希革鹿未肥漫試射生手忘機亦近人寧獨鷗堪友  
巖花錯野繡可嗅不可象黃蝶相雙雙量來大於掌  
迷離蔚榛烟潏灩霏蘿露踈躑踑珠勒馬逕往風涼處

山莊燈夕錫宴聯句有序

綈賓應律朱輅方陳遵

祖制以行時奉

安輿而避暑乃有員渠部長欸玉塞以來王因茲風土  
清嘉就仙莊而祇覲用大柔懷之義聿隆燕愷之  
恩萬樹園開合舊旅新賓而伸笑語三巡爵徧叙  
名藩渠帥以賦龍光喜因閏夏之餘涼復舉上元  
之往例雲屏風靜冰宇天寬百道虹流恍入恒春

之界千枝錦燦同來不夜之城載集詞臣共揚盛  
事調變柏梁之舊近體聯賡鑣分石鼎之章七言  
遞奏

御製西極來賓示寵章昇平燈宴錫山莊欲因柔遠非誇  
富

早識歸仁敢恃強嘉與朝正同燕衍快當避暑愜  
清凉詩吟樂愜周遐邇

臣傳恒

占合豐盈協雨暘萬

樹芳園烟冪冪三霄佳夕露瀼瀼乍教貔虎陳仙

仗

臣陳世倌

御製更幻魚龍集廣場望過東岡月猶朗節逾北至夜初  
長穹隆圓幕卿雲擁

左右賓筵綺席張熠熠騫鸞呈錦繡呦呦鳴鹿應  
笙簧翫膏爛處明宮柳

臣劉統勲

鶴燄高時出苑牆塔

現玲瓏森寶網花數頃刻燦瑩囊玉蛾來往飛如

織

臣汪由敦

御製銀蝶參差舞欲狂拔地虹流峯樹射殷天雷碾塞雲

翔上元不夜渾今夜

勝事無方洽四方素醜擢毫團窠桂赤烏刷羽燭

搏桑蓬山忽訝六鼇戴

臣方觀承

朱闕欣看五鳳蹕枝

聳珊瑚搖碧海匝堆韎韞映朝陽星毬結字分還

合

臣介福

御製冰鏡排輪低復昂燁爍聲中山峇響輝煌影裏水翻  
光天開奇景龍沙創

序借新年燕綵颺吐火吞刀爭獻伎尋橦履索列

成行折腰引手盤旋架

臣嵩壽

急拍高歌上下吭捷

逞都盧紛雜沓樂陳傑昧震礪礪紅雲一片楊旌

旆

臣錢維城

御製綠罽雙馳過驪驕翡翠翎垂文士帽

時命尚書劉統勲協辦陝甘總

督統勲乞翎因以賜之

麒麟錦製外臣震叵羅潼乳三巡遍

甲煎沈檀百和香跋浪長鯨動鱗甲撒空掣電耀

精芒錦棚未散靈絲會

臣程景伊

絳紙還烘樺燭裝重

聽踏歌喧象板無煩競渡楫沙棠黃梅氣爽清

文囿

臣陳  
惠華

御製紅藕風多襲御床珠勒馬頒天廐秣蹴蔬羊出大官

湘按陸游詩有蹴蔬羊之句注謂有人常食菜忽食羊  
夢五臟神曰羊踏破菜園云云然國語及蒙古語凡

驛程食物謂之舒蘇蹴蔬音相近

陸詩或訛用此注語反覺牽強

傳柑一例同堂陸

奉賁千羣共享王新舊藩邦都侍從暖寒歲令總  
庖祥團團接坐依

華幄

臣王  
際華

次第呼名

賜玉漿燕笑親聆



天語近鴻篇宣示

聖恩洋遊從瑤島歡何極

臣張泰開

御製禁放金吾漏未央長夏尚徵春有象靈瀛真見悅无

疆欽承

家法聯中外鞏固金甌奕葉慶

伏日

名稱避暑莊而無暑可避三庚熾蘊煬不到清涼地林  
深山益幽木喬陰乃邃仰眺浮雲騫暢披爽籟至乃悟

境隨心心靜熱安寄祈農志略慰柔遠禮粗備偶閒聊  
可乘小年詎宜棄芸編足古歡鈿几研精義

登四面雲山亭子六韻

跋馬遵崎棧楓香路幾盤忽看一笠近儼據萬螺端夏  
似將秋易心因縱目寬竒峯雲四字活畫樹千巒避暑  
最高處披襟生峭寒青瑤蔚遠近何必綴稜丹

天橋山歌

亭子四面雲山頂東瞻案衍拖橫嶺嶺上天橋對我亭

輿梁誰駕虛無境仙人來往扶欄遊彼岸奚藉一葦浮  
祖龍鞭石空費力何如天造非人謀武夷長虹事乃幻  
謝傅永安桑海變恰似嵩山玉女牕中秋月每從中見

金蓮花

金英翠葉暑朝霞移自清涼蔓塞沙揚娜恰看當暑放  
散芬雅合受風斜兔葵燕麥真凡品薝蔔曼陀本一家  
映日當年承

佛笑肯教卉譜例閒花

題王儉撰褚淵碑文

資父以事君本天經地義彥回以孝稱胡甘二姓事可  
憐石頭城口碑有公議仲寶樹綽楔乃復騰文字光輔  
五君同寅亮二代建將為直筆書抑為同惡濟昭明但  
選文取裁失節制

喜晴

塞雨易為晴昨夜雨達曙黃梅正此時何妨霈甘澍北  
地節令遲麥秋方刈穫叶久霖懼霉變以此生憂慮不

至關山外焉知風土殊叶率土皆我民到處厯農務  
絲向曉稀翔陽傍午露徂雲忽豁開繁懷逐雲去

荷

沙浦初蕤淨植姿木蘭停杳賞移時韻稱遠俗從教野  
芳喜經秋那怨遲鳥呖葉明珠上下魚穿莖綠玉參差  
若耶羅綺嬌無力邈爾含毫引靜思

熱

避暑翻欣暑山田熱乃宜寧惟圖已豫常此驗農期節

候隨人轉民艱到處思炎歊雖覺酷風過有涼時

題張宗蒼雲峯登眺

足臨百仞背逡巡下有飛泉拖白紳彷彿伯昏將論射  
却無匍伏挾弓人

夕陽

東峰絢曜西峯暝低樹蒼蒼高樹明空雲忽染絳綺色  
獨愛光翻鴉背翎雨潤既優日暄好農應西成登萬寶  
誰謂射生寧牧疆都識較晴量雨道百歲休和事不易

因之益凜持盈意後樂底似先憂多暫時寄興摘詞慰  
荷露烹茶

平湖幾里風香荷荷花葉上露珠多餅壘收取供煮茗  
山莊韻事真無過惠山竹鑪做易得山僧但識寒泉脉  
泉生於地露生天霄壤寧堪較功德冬有雪水夏露珠  
取之不盡仙漿腴越甌吳莢聊澆書匪慕煉玉燒丹鑪  
金莖漢武何為乎

管道昇竹溪攬勝圖

溪上扁舟竹裏村  
春深流水到柴門  
洒然信可澄人意  
題句誰能作綺言

清舒山館

清舒舊愛三秋好  
却悟清舒夏最宜  
幽聽滿林風颯颯  
寒光當戶雨絲絲  
既深斯靜目因遠  
妙合而凝意與遲  
野雀不知人在座  
將雛時向綠牕窺

山莊曉景

肅轡凌露晨趁涼  
陟層巒霏微夜雨散  
離披朝雲騫人



家在谷口井閭騰曉烟塞氣逼不升變霧如白緜我欲  
乘之遊滄海逗三山山莊咫尺間乃作萬里觀

題張宗蒼山水畫

雲山足蘊藉草木自長養繚曲谷幾重盤鬱松千丈那  
容俗子來除是高人訪北牕展芸編聊結義皇想策杖  
過溪橋為愛書聲朗

習字

間日視閣章

凡臨幸內閣奏本每間二日  
一至其機要重務不在此例

山莊有清暇

有暇亦何為讀書及習射書亦六藝一自古重墨稼槀  
几鋪玉版嘉蔭就松架繕性歸平易變體祛奇詫舉首  
瞻

奎文當年此消夏

戲題蘭

澤蘭自昔擬騷人南國移來塞地新水土不諳風月異  
芳菲強弄鮮精神

塞蟬

較內地者大而聲壯蒙古名之  
曰綽爾濟綽爾濟者胡茄也

塞榆雨霽流繁響靜聽啁噍亦自嘉蒙古不知虛體物  
指聲直謂是胡笳

日影

浮陰每蔽日今日乃豁朗塞天益寥落千里浩莽蒼庭  
樹弄其影靄靄沿階上花蝶粉翅翩榛蝸淒聲響何當  
中伏節忽作新秋象老大誰所為如駛催時往云何於  
其中欣來不懷曩禹惜良有以陶言兼可想

招涼榭

嘉蔭之下芳草多塞水無定流成河西峯遮夕陽北谷  
來風涼三間虛榭堪徜徉萬民疾苦吾心藏於此聊以  
驗歲月亦不自道傲羲皇

新月

將為載月遊蛾眉便延頸雖遲滿輪光已作宜人景星  
榆誰則覩塞樹佳莫並露坐不知寒目共踰西嶺

喜晴

兩日晴乾利塞田昨宵雨又達晨連徂雲過午收殘脚

一片斜陽墮馬前

塞雲雨易晴還易幻景斯須莫可形  
信步乘涼登極頂  
四鄰山色一時青

到處籌農較雨晴  
封章近每喜音呈  
節詞諒不頻來瀆  
祇慮吾心或滿盈

山城夏霽歌題錢維城畫

赤夏賴雨亦賴晴  
潤之暵之禾怒生  
老農較量誠不易  
幾多辛苦方西成  
是時山莊駐翠旌  
甘霖早澍溝渠盈

解作既息暑亦滌鵲呼正報開初晴片雲歸岫弱無力  
涼風吹樹壯有聲黍高粱下盡滋渥油油葉嫩炎曦明  
延樓埤垵曰綺望登臨縱目堪怡情餘事萬概都恰當  
一喜所遇皆欣迎層峯沓障濯新翠烟阮石谷淙繁鳴  
深林露墜茅屋濕野水漲到扁舟輕何來塞景肖江國  
謝公佳句真豪清侍臣扈蹕圖所見宛然夏霽呈山城  
高張白壁拂爽氣巖間輝映新陽晶

澄霽樓

浮雲斂盡霽光披，疊樹重巒面面奇。  
不上層梯騁遙目，安知物色此間宜。

載月用舊作秋夜泛湖賦，唐文皇夾氣澄蘭沼得。

詩五首原韻

載月夫何為？為是納涼爽。抑知塞景佳，羲皇未呈象。古

鏡若可攬，千里近指掌。青雀舫名乘虛無，瀛洲恣俯仰。

俯仰仲夏徂，上伏又云既。山靄夕送涼，誰云秋尚未。際  
此銀蟾輝，所遇欣為貴。謝賦興邈然，那染雕蟲氣。

雕蟲習氣澄靜賞得心凝九夏渾無暑一輪都是冰桂  
棹盪寧緩絺衣涼不勝雲巖蒼鹿呦何殊嘯孫登

孫登蘇門山嚴陵富春灘獨樂信無悶楚頌嘉荃蘭丈  
皇我同道遐心企貞觀惟懷萬民憂非圖一已歡

已歡不可亟繁星晶塞沼維舟息巖館挈壺傳漏杪舉  
首眄紗牕綠影西移了新晴今夕佳明夕當更皎

賦得鍾峯落照

一柱標雲漢千峯最上層亭亭明夕照煜煜蔚霞蒸落



景連空翠騰光入碧澄西崖翻直影東戶引閒憑何必  
憂騷客端宜悟苾僧送將朱鳥隱掛得玉蟾昇逸趣發  
菁藻餘輝帶絳繒神鍾工體物惟是

聖人能

金山

湖中一峯聳起上建傑閣步廊周遭碧波千頃

皇祖記所云如登妙高峯上北固烟雲海門風月皆歸  
一覽真情實景不即不離

銀瀛一朵青蓮聳瑤屏琳岫相環拱龍鱗之石翠羽木  
祖洲碧草鋪葦葦枝撐纔出綠雲幽朱閣三層居上頭  
恍如妙高陟浮玉北固嵐光與目謀灤江已似惜稱小  
寫景天然此真好洞庭樂是鶴鹿鳴猶憶

軒轅茲訪道

董其昌秋林書屋用畫間題者韻

板橋橫野渡書屋占清秋行以擘窠法應從渤海求

月夜聞蛩

漾舟逗星渚淒吟發露坡塞夕已颯沓塞月猶婆婆歐  
陽賦未就是聲來則那嫠婦怨別離孤客悲蹉跎於我  
何有焉也覺秋懷多

題張宗蒼雪景

畧約縈紆俯凍灘遙峯天際玉巔岈誰知自寫江南意  
雅合高張塞北看

恭侍

皇太后觀荷

平湖香錦夏風吹長日承

歡此處宜已喜自天無暑氣可知隨地有西池當前頓  
覺忘關塞開後何須較疾遲蓮葉蓮花不如藕愛他延  
壽縷絲絲

捕魚

隄分內外湖置牖期節制內湖育鱗族蒸然繁其類漏  
卮或旁出潛躍乃於外侵尋落野潦釜烹同浪棄乘間  
命罟師濺濺臨流試鯉鯉其品美生放內湖既鱧鮎其

品惡逮衆盡分賜縱之斯未能挈入原有自忽憶文王  
囿却笑此何謂

閱本

三日一閱閣部章一日幾務三日當寧毋喜逸怠於忙  
否或忙裏失精詳能言行則敢弗覆綴辭用箴勵自強  
邇來遠近時雨暘西成顒望萬寶穰去歲災重厯淮揚  
麥收幸得米價平<sup>叶</sup>祇聞山水發閩漳室廬則壞稼未  
妨命亟撫卹令獲康詎云視民能如傷要惟斯志恒不

忘

習射

佳山佳水漫遊娛  
習射相將校壯模  
詎可太平耽燕醺  
從來男子事桑弧  
心平體直爭何害  
志定功成語不誣  
猶憶髫齡茲扈蹕  
樹侯連中被

恩殊

登四面雲山亭子恭賦

皇祖山高先得月之句

峻嶺切雲漢孤亭俯渤瀛  
冰輪纔湧出玉砌早光明  
培塿難為障姮娥若可迎  
有林皆一桂無界不清盈  
手寒何礙流晞魄倍晶  
兔原龍塞物鹿作羽衣  
聲谷口猶燈火河邊辨  
畛營萬方歸朗朗照辭見

聖人情

夜遊山月作歌

乘涼徙倚崇岡巔  
畢景暮色來蒼然  
巖樹傑池漸欲隱  
我亦因之拂錦韉  
迴頭下視東海水  
一輪冰鏡從中起

如聞七寶宮闕間纖阿謂我行且止  
崕枝澗葉重光輝  
陰嶺陽巘幻益竒石泉輞水漱上下  
宿鳥繞樹聲參差  
高處雖寒遠塵垢左招吳質洪厓右  
早嗤羽客術已勞  
却憐爍火光何有雲莊松塢言歸來  
琉璃界裏行龍媒  
湧金閃玉莫可狀絲轡珊鞭且慢催  
却憶年年遊上苑  
蘭舟桂棹遲且緩北人使馬南人船  
欣茲本色得何晚  
依綠齋

依樹開軒榭嘉陰綠滿牕階前書帶  
裊牆外玉琴淙梁



燕窺巢舊山  
鼯掇果雙椽  
毫期擬古花  
讓筆生江

爽

雲散寥天迴  
風來大野長  
多人欣却暑  
萬寶慶宜暘  
耐可紗衣試  
何妨紈扇藏  
不須秋意至  
此地本清涼

詣溥仁寺

祇園山館東  
佳氣鬱龍蔥  
帶水塵凡隔  
屏山秀色融  
度橋尋淨地  
指樹識禪叢  
五日宜人霽  
一天華黍風  
占年惟此樂  
禱久更何衷  
拱讀

穹碑罷

是寺建於康熙五十二年  
中有皇祖御製碑文

天襟想像中

荔枝

閩中嘉實到秋前  
朱顆累累湛露鮮  
塞北冰盤供夏清  
定知解暑更

延年

廣博誰能窮  
蓉譜品題都識數  
陳家連樹擎來青  
石嶺却疑兩度過仙霞

赤珠囊綴翠瓊株方物何須辭不須一騎紅塵味仍敗  
始知記載率多誣

題張宗蒼畫

驛便携來山水圖滿林濕潤尚模糊本來合是巖齋挂  
簾外嵐光了不殊

立秋日作

無暑謂當秋不覺誰知秋信益分明昨朝婪熱蒸為雨  
今日新涼迫放晴何必碧桐方識節

桐性畏寒  
塞外獨無

由來皜

日已懸清山田迎望西成近層閣憑臨一暢情

雲巖歌

雲之巖巖生雲黻黻憲霽氤復氤巖之雲雲籠巖隱嶙  
嶺嶸嶸且堪巖為體兮雲為衣雲中君兮憺翠微雲為  
輿兮巖為蓋巖之仙兮頽如醉芳有時而春韶翠有時  
而秋消閱苑枯兮四序含動靜兮終古動豈我知靜豈  
我為明月今夕流水昔時

草荔支

叢生朱顥味甘且芳似普盤而無子普盤亦內地  
所無而塞外恒有此惟興安及烏喇乃有之

皇祖時命移植山莊錫名曰草荔支當秋而實閩貢適  
至蠲渴生津難擬伯仲也

滿口甘腴撲鼻芳女夷雅解遺去聲雲漿品題造物能名

物比似元方與季方漫譜瓢平如絳雪饒稱核小尚丁  
香崇椒嘉植烟霞外那更羶薌待蔡襄

賦得初日芙蓉

出水呈芳迥迎曦弄影新烟流花欲醉露湛葉生津畫  
裏神仙品臺端清淨身蘋香連一氣霞彩照初勻錦浪  
翻無定文禽宿有因娥英臨曉鏡不語亦宜人

張宗蒼竹亭觀瀑

疎篠喬柯匝檻前飛流百丈落平川昨來湧翠巖前況  
山莊觀瀑處石壁點筆居然得我先  
湧翠巖三字

御製詩二集卷四十九

欽定四庫全書薈要卷一萬三千三百七十七

集部

御製詩二集卷五十

古今體六十六首

甲戌六

擬古詩三十首

有序

擬古之作蓋於選辭命意之中寓論世知人之旨  
曩於幾暇擬古詩十九首復倣江文通雜擬每一  
染翰如見古人於毫楮間今年夏山莊永晝瀏覽  
篇籍念自西京迄於六代才人林立緣情之什各



具性靈文選所甄菁英斯備諷詠之次輒思摹倣而衆體殊塗興懷異趣名家麗製美不勝掇因仿文通例各取其一聊見舉隅至四言則漢魏僅涉餘波自必溯源風雅七言數章椎輪太質欲暢斯旨又當馳騁三唐其他單章偶見如紹統泰機輩本未成家概從刪汰別體若束皙補亡應璩百一鮑照數詩往歲均有專製無取複出又文通雜擬中婕妤紈扇而外別鮮流傳孫許元虛選臺未錄

故亦略諸且河梁贈荅為五言權輿醴泉祇存都尉茲乃首列子卿以補其闕綜而計之得三十篇亦如文通之數叙其梗槩用示別裁以次綴篇自娛清晏云爾

蘇子卿

贈別

武

日日金馬門相對或無語聞君當遠行語不盡愁緒乃識非傷睽何當惜歡聚願為並翼飛而乏凌雲羽之子身歷地伊我心馳所況子非常人武勇紹乃祖努力酬

主知莫繫交情苦仰瞻日與月東西相背處其心苟不  
隔合朔從堪覩

魏文帝

芙蓉池作

丕

琳池植水華因名芙蓉池芙蓉照水鮮其芳清襲余

叶

攜我翰墨侶言燕淡蕩時遵陸瑀輦陳涉川華舟隨憑  
軾覽嘉禾建旄摩喬枝畢景出皓星拂暑吹涼颼戰勝  
倘未能佺喬安可期不如愛景光及此青年姿

曹子建

白馬篇

植

白馬錦連錢遙從大宛來大宛有龍種其始出天池  
蹄善汗血珍重藏貳師漢使持金求遮攻反居奇  
以此命廣利期至堅城陞郡國惡少年數萬人以西  
子辭白首父夫別紅顏妻哀鳴忘鴻雁壯志勵熊羆  
琱戈耀日明羽檄臨風馳左摧陷鮮卑右突陵月氏  
青年近億往黃髮盈千歸請聽天馬歌蒲梢西極徠  
倣儻遊閭闔權奇觀玉臺何如獲白狼犬戎終不隨

王仲宣

從軍

祭

不能安蓬華乃復求簪纓食祿盡臣節此理亦易明朝  
聞刁斗嚴明公當西征秉羽笑懦夫割鉛本儒生既愧  
主吏蕭發蹤功已成兼慙留侯張坐謀帷幄稱我公智  
勇恢安藉贊襄仍伐檀恥素餐索筆猶堪行閭閻戒繹  
騷儲胥夙充盈津前方桂舟河上營蘭坳親友遠來餞  
揮去無戀情雖云一旅勞所務萬方寧行看大勲就凱  
歌入鄴城莊馗花似烟平樂酒如澠何必繫吾土永言  
希令名

劉公幹 贈徐幹

楨

任已無不可事君良獨難  
營蒯攻佔畢致身希朝端  
誰知動拘束禮法不為寬  
譬彼鳥櫻羅豈能刷羽翰  
與君隔豈遥數仞之掖垣  
犁然限東西有情不能宣  
鄙人對終日可以無一言  
同心而睽乖一日如三年  
鳥亦有翼並樹亦有枝  
連吁嗟我不如沈思發浩歎  
繼辭冀紓憂憂乃益甚焉

阮嗣宗 咏懷

籍

歡聚離別端繁華憔悴根富貴豈不重更有重者存苟  
非喬羨質失路徒悲辛高奔速人老憂懷託藻言

張茂先

情詩

華

飽不知饑餒聚不知別苦胡然琴瑟和而各秦越處月  
亦照我帷風亦拂我戶怲怲撫空牀脉脉與誰語展策  
誦關雎爰獲我心所

陸士衡

贈弟士龍

機

友生有離聚兄弟無西東卒然當遠別惻焉傷我衷居

者勸加餐行人囑保躬臨岐逝將分悲意填秋空胡為  
鵲鴿原竟覲牛馬風

陸士龍

荅張士然

雲

士固信知己微君孰與言遙遙動參商有言曷能宣於  
時況行邁悠悠山復川井邑豈宿識風俗非所便故鄉  
真可懷遊子吁可憐夢寐或見君宛是樂羣年驚覺嗟  
索居寫恨酬斯篇

潘安仁

河陽縣作

岳



我本志烟霞拔茅非所希一朝荷明揚儼與諸公陪  
混玉既心慙妨賢亦面怩無裨人或容豈不畏虛糜  
以此解組散天陵駕言歸東山有美林秀蔭發華滋  
登臯偶舒嘯臨流或賦詩弱不勝耒耜課耕常及時  
自謂可終年越畔無外思孰謂十行降復俾百里司  
既已承明命寧令為繭絲此邦頗知禮朱博治異齊  
臨水每有悟渚之濁匪宜鈎距我不能所能尚無為  
登城眄廣原阡陌綠依依巾車循鄙鄉薑芋分町畦  
男耕而婦織民和訟

亦稀弦歌或可聽  
卓魯安足期  
夫子儻相過  
能無笑割雞

潘正叔

贈河陽

尼

事君貴行道  
內外詎殊途  
召父及杜母  
至今垂令譽  
廊廟豈不佳  
衮職慙補苴  
聞君一縣花  
與民共歡娛  
戶不閉  
深夜遺不拾  
通衢東山林  
谷幽寧復懷  
歸無

張景陽

詠史

協

易稱見幾行  
寧以終日需  
醴忘穉生去  
申公徒嗟吁  
遙

遙千載下此風一何孤惟有二疏傳高尚能繼諸十二  
通論語吾職不為辜宦成而不去後悔將何如公卿餞  
之行祖帳臨東都高詠蟋蟀篇揮霍尋歡娛多財志損  
賢多財過益愚不獨肥遯嘉卓識堪為模

左太沖招隱

思

青雲蓋危地窮林足安身山水不論價烟霞可養神巖  
阿太古室鹿豕忘憂賓松篁奏仙籟薜蘿掃俗塵天池  
沆瀣涵其中有錦鱗惟其不貪餌是以鮮挂罾巢許是

我師涓務是我隣衡門有芳謠可以書諸紳

劉越石

扶風歌

琨

西京舊帝都扶風拱黃圖昔為繁華里今為禾黍墟金  
張貴既歇鄒枚文亦忽惟有金銅仙流淚辭漢月僕夫  
秣我馬家人送我行客途始於此據鞍且復停四顧何  
所往吾意方茫茫涼秋多悲風偏拂征人裳放馬靡蕪  
坡散步松楸下拾得鄼侯名未央前殿瓦帝業尚如此  
何況蓬茨間憤緒填胸臆欲語哽不言悲傷令人老棄

置勿復道。瞥電能幾時。成名苦不早。蠖屈以求信。龍蟄以存身。至今西山下。幾見餓死人。利獲害每隨。失暫得亦恒。請聽扶風歌。勸君權重輕。

盧子諒

時興

諶

璿璣無停運。四序調歲籥。但見春復秋。豈悟今非昨。百年等瞬息。石火槁頰若。北邙有鬱柏。東海無大藥。不如愛景光。隨時自為樂。清風動帷幌。華月蕩林薄。洗心鏡至清。振衣踞崇嶠。天機存其真。詎因物止作。可道非常。

道希夷契冲漠

郭景純遊仙

璞

仙人世常有所貴凌世出燕昭及漢武安得有仙日東  
海水湯湯蓬萊山岑岑元圃種琪花神臯聳玉室是中  
煉水碧羽化定可必子登授我簡云是瑤臺律大隱亦  
甚難只有園稱漆

何敬祖雜詩

劬

有風西南來知是行金商四序本遞嬗何獨於秋傷草

芳日以歇樹綠日以黃砧聲發遠村月色延虛堂虛堂  
獨不見迢迢憶遠行篋我齊紈扇施我越羅裳仰瞻河  
鼓星相會宛成雙會則其歡短別則其愁長

陶淵明 咏貧士

潛

亨屯信有命達人安所丁已或不介意旁觀為惻生傷  
哉彼貧士踽踽林中行未火出華門見肘歸柴楹豈不  
苦饑寒嗟來羞見稱愧我誠何謂五斗猶繫情

謝康樂 遊赤石進帆海

靈運

撰辰尋勝遊際斯節清和擷芳佩蘭茝窮變餐烟霞赤  
石近枕海進帆凌滄波乘桴我素志况可拾影娥朝陽  
神來賓元螭以馭車恬瀾導我遊此樂信如何疑見三  
壺山縹緲復嵯峨溟渤雖萬變不離一勺多終焉任虛  
舟泛覽窮天河

謝宣遠

張子房詩

瞻

紫色及蛙聲聖王之驅除三秦屬弗靖有征發車徒方  
舟蓋長川組練明廣衢頓此項城陰息衆且斯須葆祠



四百年鬱鬱松柏扶借問祀何人留侯神清臞和鈴爰  
至止椒桂陳樽壺甄揚乃在德聖心夫豈徒歌詩命從  
官表宅之意乎緬想嬴政虐斯民離炭塗公子報韓仇  
博浪中屬車下邳契幽叟深折乃授書卒為王者師能  
忍蘊廟謨蒼旻佑赤靈龍準德充符伊人實贊襄婉婉  
多奇謀運籌帷幄中決勝千里餘功成求赤松翩飛向  
仙都我后方沛公良其人則無奮藻揚休風旋顧慙嗟  
吁

謝法曹

秋懷

惠連

能令人傷者夫惟值金秋有月皆慘淡無風不颺颺載  
觀古之人宋玉亦我儔當其悲來時偏塞填九州是時  
天宇晶絳河見舉頭一歲纔一會感彼女與牛露立濕  
衣裳幽薄螢火流竹響何颯沓蛩吟復唧啾人生百歲  
間駒隙難喻適一往不復還自審安為謀英雄誇兄嫂  
蘇子志已酬買臣訶其妻覆水難再收不殊鄙丈夫焉  
及東陵侯曠觀無可依不如事豪遊太華停我車少海

維我舟却笑求仙人勞生終何投

顏延之

始安郡懷都

延年

星斗既上懸山河亦下列大禹錫元圭至今九州別江  
漢海朝宗參衡地奠臬謹憶子期諫誕鄙高唐說我來  
守此邦撫字慙心拙去去奉明詔省闈班聯綴內外亦  
何殊行道宜及節進退兩無就俯仰一何劣於古有明  
訓尸祿戒位竊行將謝華簪躬耕敦素悅

鮑明遠

翫月城西門廨中

照

高堂漫張燈九華非夜明空庭度螢火其光何猥瑣微  
蟲彼何為蘭膏有盡時何如天上月萬古騰清輝徘徊  
銀漢表淡蕩玉閨時浮雲無纖痕千里同一思宦遊多  
拘束乘閒偶遊目隔牕散塵襟蔽櫳延清矚始聞曲發  
郢既命琴抽蜀親串及友朋共此叙情睦芳夕隨地佳  
何必深山曲

王瑯邪

答顏延年

僧達

竊聞君子交久敬淡如水琴音失鍾期伯牙不復理余

於五倫中忘年遇吾子崇情實師範清氣消吝鄙惟蘭  
芝並馨惟鼓聲相倚敬業竹素園奧研翰墨理時當節  
序佳百昌向華美春山翠可望新波綠瀾瀾載泛李杜  
舟言溯顏曾旨此樂何倏忽一日三秋矣瑤篇寄遠音  
深誼託精擬佩以矢弗諼答以云如是

謝元暉

直中書省

眺

委佩近彤庭書紳依紫殿瓦鴛散日輝渴烏傳漏箭綠  
陰藹禁林已有新鶯囀當階紅藥芳影翻視草案鳳池

盍仙朋豈以樗材贊承明有直宿寢門違視膳怍焉鬱  
吾衷賢勞何獨見縹組非夙志願託凌風翰

沈休文 咏湖中雁

約

春來水滿塘迴雁報年光  
唼錦新花暖梯縠碧浪涼  
往羽帶南雲歸背點北霜  
飛空或成羣宿浦必以雙  
兩翅依春秋一心惟瀟湘

范彥龍 古意贈王中書

雲

昔者尹與邢磬折服中心何必定  
相妬等是侍綈衾北

海蒙知初南皮被恩深遭逢都大同光儀獨可欽梧桐  
豈散木鳳凰非凡禽將託萋萋枝必有離喑音余獨何  
為者濫竽集泮林願言企良覲省闥隔沈沈

任彥升

贈郭桐廬

昉

維舟富陽江遲我心儀者云是早見候失期乃吾也有  
心悲共傾有手歡同把竹柏懷三冬冠蓋輝五馬聚艱  
離每易音衆知則寡後會杳茫茫欲別還難捨從此天  
一涯有衷向誰寫

江文通

望荆山

淹

桐柏襟淮源江漢帶荆甸湘沅既已疏衡巫於是奠楚  
望快平生蠡測愧疎賤俯仰翰墨林唱酬風月宴金樽  
亦有醇玉几寧無薦中心別感傷游賞非所戀汨羅淪  
靈均永懷淚如霰

丘希範

早發漁浦潭

遲

春水漲漁潭朝霞起赤亭富春深秀區峭舊舍餘清置  
浦何淡淡標峰盡亭亭行春爰及時攬俗兼課耕停彼



錦埭車發此鏡川舫烟景幻迷離水物呈芳馨愧無能  
卜居合暫託幽情糾慢諒未能卧治庶可稱

再題避暑山莊三十六景詩

有序

避暑山莊者玉塞之神臯金庭之奧域也我

皇祖聖祖仁皇帝肇斯靈囿標三十六景題句繪圖垂  
示冊府朕既恭次

元韻附刻篇末前秋周覽勝際復各賦五律一章仍就  
舊題成咏今年敬奉

安輿來駐於此自夏至初過訖於處暑招涼延爽弦望  
再更幾政之餘登臨攬結乃知三十六景之外佳  
勝尚多萃而錄之復得三十六景各題二十八字  
其中有

皇祖當年題額者亦有邇年新署名者統前後計之得  
列仙福地之數匪謂洩造物無盡之藏蓋即由舊  
之中寓知新之旨云爾

麗正門

行宮因山高下繚以石城正南一門曰麗正朝臣  
啟事外藩入覲皆由於此

巖城埤圉固金湯誅蕩門開向午陽

避暑山莊門舊稍偏東因闢此門應

當陽之義

兩字新題標麗正車書恒此會遐方

勤政殿

離宮視事之所顏以勤政

皇祖

皇考舊章也山莊前殿亦以是名之

漫施藻梲長階莎具足雲山四面羅不息自強勵勤政  
永欽

家法詠卷阿

松鶴齋

皇太后所御內殿齋名松鶴祝頤壽也茲奉  
慈聖於山莊之東亦以名齋隨時隨地長樂  
春暉用以志慶

常見青松蟠戶外更欣白鶴舞庭前西池自在山莊內

慈豫長承億萬年

如意湖

山莊勝處政在一湖隄  
偃橋橫洲平嶼矗隱映亭  
榭境別景新此則曲岸若芝英故以如意目之

塞水恒流此處渟柳湖蓮島偶摹形烟容波態皆如畫  
屬意悠然在杳冥

青雀舫

澄湖放艇溯光搖碧載月為宜衝雨亦有奇致黃

龍絲鷁無取過華

溶溶塞水浩無涯  
桂楫蘭橈向晚移  
月朗寥天駕青雀  
空明宛是泛瑤池

綺望樓

樓在城西南隅下  
視緣隄廬舍闌闌  
厯厯可數山  
環水抱儼在畫圖中

埤垵岑樓聳翠林  
每因眺遠一登臨  
萬家烟火隨民便

此語乃

皇祖御

書聯句今懸樓上

聖度原如天地心

馴鹿坡

靜宜園有馴鹿坡乃黑龍江將軍所進其地以使  
鹿為俗山莊則濯濯麋麋惟性所適無異家畜故  
亦以名坡

馴鹿親人似海鷗丰茸豐草恣呦呦靈臺曾被  
文王顧例視寧同塞上鹿

水心榭

界水為隄跨隄為榭彌望空碧彷彿笠澤垂虹景  
色明湖蘇白未得專美

一縷隄分內外湖上頭軒榭水中圖因心秋意蕭而淡  
入目烟光有若無

頤志堂

河亭迤北疏軒面爽

皇祖題曰頤志堂陸士衡有言頤情志於典墳豈徒繕  
性葆真之為適



窈窕山深水復清  
虛堂夏五足怡情  
欲因致遠惟寧靜  
匪慕嵇康自養生

暢遠臺

清舒山館之東臨鏡湖  
為崇臺綠柳遙隄紅荷近  
渚牆外羣山羅列奔湊  
矯首遐觀斯為最暢

崇臺湖上俯澄清  
暢遠曾標即景名

淵鑑當年超物表  
靜觀萬類入空明

靜好堂

山莊幽邃靜如太古蓋無地不然此間竹淨苔清  
覺鳥語泉聲都增靜賞

翠屏遮戶靜無塵  
纖纖階前長綠筠  
琴薦筆床都恰當  
想因翰墨緬風人

冷香亭

方亭東向俯臨碧沼荷淨蘋香露白風清時冰心  
玉壺殆不是過

四柱池亭繞綠荷  
冷香雨後襲人多  
七襄可識天孫錦

彌望盈盈接絳河

採菱渡

湖波澄碧水面多菱葉浮貼水背日花開佳實脆  
香與蓮房水芝並薦故取摩詰詩中語名其處  
菱花菱實滿池塘谷口風來拂棹香何必江南羅綺月  
請看塞北水雲鄉

觀蓮所

平湖曲渚在在荷香景中以之標名者不一此間

雲廊窈窕方亭虛敞

聖祖題額在焉洵為甲觀

寶題恒煥

聖人字永牖仍憑君子花助感每教驚逝水追歡曾未  
泛流霞

清暉亭

虛亭臨水清曠絕塵宵月晨曦春林秋蓼揚輝絢  
目所謂清暉娛人恍然可遇

水複山重靜且便奇葩異草四時鮮始知謝客饒佳句  
擬學唐家度小年

般若相

山莊清淨地有水皆阿耨無峯非靈鷲別剎蘭若  
奉妙莊嚴相當是踞獅子座說大般若經時

雁堂小築三招提獅子林如畫出倪無相相中真實相  
梵稱般若豈無稽

滄浪嶼

山泉匯為湖沼澄泓見底孤嶼臨流悠然得滄浪  
趣

綠洲朗潤蕙蘭榮日對滄浪之水清俯潔褰芳一合相  
那更分別足和纓

一片雲

山中雲氣朝暮晴雨變滅無端或起樹中或浮水  
面或來樓牕几榻間以片目之所謂一滴水知大  
海味也

白雲一片纔生岫  
瞥眼岫雲一片成  
變幻千般歸靜寄  
無心妙致想泉明

蘋香泚

度橋而北迴望烟水森  
瀾碧藻青蘋溶漾可數涼  
風微度袖拂餘馨何必芳洲杜若

香風搖蕩綠波涵花正芳時  
伏數三詞客關山月休怨  
來看塞北有江南

萬樹園

北枕雙峯之南平原徑數千餘畝灌樹成帷幄綠  
草鋪茵毯雖以園名不施土木今年都爾伯特部  
長入覲即園中張宮幕集名藩錫燕燒燈陳馬伎  
火戲燕樂之為時盛事

原田每每曾聞傳麇鹿麇麇載詠詩秀木佳陰塵不到  
乘涼點筆合於斯

試馬埭

我朝馬政超越往代每當秋獮出塞考牧別羣相



其駑駿而調試之故知金埒編錢直是兒戲

試馬榆陰錦埭平流珠歎玉祇虛名驪黃牝牡皆形相  
九方臯相馬在牝牡之外然馬必駟而後騏驥惟當識  
得良牝牡皆不適用此蓋列子假藉之詞  
性情

嘉樹軒

萬樹園之東檜栝蔚蔥老榦蟠枝童童垂蔭構軒  
其下取無忘封殖之義

就樹構軒陰易得軒前種樹待陰遲因知事半功惟倍

契理皆然詎止斯

樂成閣

塞田晚播早收屆白露即已鉦艾登場正秋巡行  
彌期也閣踞城墻墦畝參差黃雲彌望三時憂憫  
於斯稍慰

近遠山田一望彌秋巡恒值樂成時璇題寶篆垂  
明訓稼穡艱難尚可知

宿雲簷

平臺因迥為高遠峙雲表滄溟朝飛奇峯四起暝  
歸擁樹縈繚簷端即景命名正山中所有也

出楹寫霧還歸宿蒼蔚常看顯氣通却訝稚圭非至此  
如何先獲我心同

澄觀齋

山莊林壑水石在在仙都嵐翠波光遠近交映炎  
歎為之盡滌足令胸次灑然豈唯騁懷遊目

背山臨水構清齋翠蔭簷端綠繞階別裁去聲不期句成

迴間居每致意為佳

翠雲巖

山莊東北多重巒複嶺遊雲往來嵐翠欲滴虛簷  
四眺正在千巖萬壑中

巖薛橫拖一縷斜濃青細白蔚槎枒有形變態無形韻  
粉本真堪示畫家

卷畫牕

橫嶺如曲屏霞標一室據其勝前為平臺牕列遠

岫題曰罨畫董巨荆關誰能辦此

霞標雲閣小延停異草仙葩撲鼻馨涼峭塞天初過雨  
近峯遠嶺總來青

凌太虛

亭居北嶺之複孤峯拔地羣山環拱登斯亭者如  
陟閭風俯懸圃禦寇冷然未足為喻

冠峯亭子倚峻嶒與顥氣俱六位乘設使步兵曾到此  
應聞長嘯發孫登

千尺雪

吳中寒山千尺雪明處士趙宦先所標目也南巡  
過之愛其清絕因於近地有泉有石若西苑盤山  
及此並仿其意而命以斯名且為四圖合貯其地  
詳具圖卷中

為愛寒山瀑布泉引流疊石儼神傳榜嚴巖地臨溪寫  
離即憑參屬偶然

寧靜齋

諸葛孔明澹泊寧靜二語千古名言

皇祖所至若御園之澹寧居山莊之澹泊敬誠皆取其  
義茲以名齋匪惟慕賢實以述

祖

既深始靜心堪會致遠而寧道亦該妙契神詮不盡  
武侯豈獨幹時材

玉琴軒

千尺雪之南曲澗湍流潺潺衆玉中韻合宮徵正

不必撫絃動操已令子期神往

玉自無言比桃李水因不競中宮商五絃正是薰風節  
治慕虞廷化日長

臨芳墅

曲阜平岡緣蹊被隰無葩不秀有卉皆芳別墅數  
椽自足幽趣

奇葩異草四時芬八百功常鼻觀聞是藥是花俱採取  
文殊於此亦疑賡



知魚磯

湖水清甘魚樂國也石磯臨流無心垂餌相忘之  
適當非濠上所知

出水輕條樂意洋臨磯欣覺會心長由來萬物天機適  
安用勞勞辯惠莊

湧翠巖

石罅泉源出山莊西北淙淙潺潺下為瀑布依巖  
為佛廬隔林明殿三楹東向晨曦朝爽空翠四合

拔地青蓮聳德水天人來往作音娛  
薦逢杖錫權教住  
試問眉毛拖地無

素尚齋

梨峪清軒不施雕績丹腹

皇祖常所御處崇朴素明雅尚備見於

天筆標題兩字中矣

棄日無過靜讀書讀書靜合是山居披翻却又難耽靜  
無逸明明啟迪予

永恬居


山中境爽氣和致足怡神悅性既佳風景且樂阜  
安引養引恬慎修思永

御題齋額意在斯乎

瓊島鬱懸居景物惟恬氣象舒已是洞天傳

玉簡得教福地續琅書

御製詩二集卷五十



總校官庶吉士 臣侍 朝

校對官編修 臣朱 攸

謄錄監生 臣朱麟粹